



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

## Ո Բ Ո Շ ՈՒ Մ

25 մայիսի 2016 թվականի N 432 - Ա

ՏԱՐԱՀԱՆՄԱՆ ՀԱՆՐԱՊԵՏԱԿԱՆ ՀԱՆՁՆԱԺՈՂՈՎԻ  
ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Համաձայն «Իրավական ակտերի մասին» Հայաստանի Հանրապետության օրենքի  
15-րդ հոդվածի 3-րդ մասի պահանջների՝

Հաստատել տարահանման հանրապետական հանձնաժողովի կանոնադրությունը՝  
համաձայն հավելվածի:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Հ. ԱԲՐԱՀԱՄՅԱՆ

2016 թ. մայիսի 25  
Երևան



Հավելված  
ՀՀ վարչապետի 2016 թ.  
մայիսի 25 -ի N 432 - Ա  
որոշման

## ԿԱՆՈՆԱԴՐՈՒԹՅՈՒՆ

### ՏԱՐԱՎԱՆՄԱՆ ՀԱՆՐԱՊԵՏԱԿԱՆ ՀԱՆՁՆԱԺՈՂՈՎԻ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Տարահանման հանրապետական հանձնաժողովը (այսուհետ՝ հանձնաժողով) ստեղծվում է Հայաստանի Հանրապետության վարչապետի՝ Հայաստանի Հանրապետության քաղաքացիական պաշտպանության պետի որոշմամբ արտակարգ իրավիճակներում և ռազմական դրության ժամանակ վտանգավոր տարածքներից բնակչության, նյութական և մշակութային արժեքների, կազմակերպությունների տարահանման միջոցառումները պլանավորելու, կազմակերպելու և համակարգելու նպատակով:
2. Հանձնաժողովի ընդհանուր ղեկավարումն իրականացնում է Հայաստանի Հանրապետության վարչապետը, անմիջական ղեկավարում՝ հանձնաժողովի նախագահը:
3. Հանձնաժողովն իր գործունեության ընթացքում ղեկավարվում է «Քաղաքացիական պաշտպանության մասին», «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքներով, Հայաստանի Հանրապետության կառավարության 2011 թվականի օգոստոսի 18-ի N 1180-Ն, Հայաստանի Հանրապետության կառավարության 2010 թվականի հունիսի 24-ի N 824-Ն որոշումներով, սույն կանոնադրությամբ և այլ իրավական ակտերով:
4. Հանձնաժողովը համագործակցում է Հայաստանի Հանրապետության տարածքում ստեղծված բոլոր տարահանման մարմնների հետ:

5. Հանձնաժողովի գործունեությունն իրականացվում է հանձնաժողովի տարեկան աշխատանքային պլանի հիման վրա: Հանձնաժողովի նիստերը գումարվում են յուրաքանչյուր տարին մեկ անգամ հանձնաժողովի անդամների 2/3-ի մասնակցությամբ, իսկ բվեարկությունը համարվում է կայացած ձայների պարզ մեծամասնության դեպքում: Ձայների հավասարության դեպքում հանձնաժողովի նախագահի ձայնը վճռորոշ է: Հանձնաժողովի անդամի գործունեությունը դադարեցվում է նիստերին երկու անգամ անհարգելի բացակայելու դեպքում: Անհրաժեշտության դեպքում կարող են գումարվել արտահերթ նիստեր:

## II. ՀԱՆՁՆԱԺՈՂՈՎԻ ՀԻՄՆԱԿԱՆ ԽՆԴԻՐՆԵՐԸ ԵՎ ԻՐԱՎԱՍՈՒԹՅՈՒՆՆԵՐԸ

### 6. Հանձնաժողովի հիմնական խնդիրներն են՝

1) ամենօրյա գործունեության ընթացքում

ա. բնակչության, նյութական և մշակութային արժեքների վտանգավոր տարածքներից տարահանման, տեղաբաշխման և ապահովման միջոցառումների պլանավորումը,

բ. պետական կառավարման և տեղական ինքնակառավարման մարմինների կողմից տարահանվող բնակչության տեղաբաշխման վայրերի նախապատրաստման և տարահանված բնակչության կենսաապահովման գործնթացների նախապատրաստման միջոցառումների պլանների մշակման և նախատեսված միջոցառումների իրականացման աշխատանքների համակարգումը,

գ. հանձնաժողովի նիստերում տարահանման միջոցառումների, պլանների և տարահանման մարմինների պատրաստականության վերաբերյալ հարցերի քննարկումը,

դ. զինվորական և պետական կառավարման մարմինների հետ տարահանման միջոցառումների պլանավորման և ապահովման փոխգործողությունների իրականացումը.

2) քաղաքացիական պաշտպանության համակարգը ռազմական դրության աշխատանքին ուժիմի փոխադրման ժամանակ՝

ա. բնակչության, նյութական և մշակութային արժեքների տարածանման պլանների ճշգրտման կազմակերպումը,

բ. անվտանգ տարածքներում տարածանվող բնակչության կենսաապահովման առաջնային միջոցառումների ճշգրտումը,

գ. տարածանման մարմինների ծավալման միջոցառումների և նրանց պատրաստականության վիճակի վերահսկումը,

դ. քաղաքացիական պաշտպանության հանրապետական տրանսպորտային ծառայության հետ միասին տարածանման միջոցառումների տրանսպորտային ապահովման համար առանձնացված բոլոր տեսակների տրանսպորտային միջոցների օգտագործման կարգի ճշգրտումը,

ե. տարածանման միջոցառումների ապահովման նախապատրաստման ընթացքի նկատմամբ հսկողության իրականացումը.

3) տարածանման վերաբերյալ կարգադրություն ստանալուց հետո՝

ա. մարզային և համայնքային տարածանման հանձնաժողովների ու քաղաքացիական պաշտպանության հանրապետական տրանսպորտային ծառայության հետ կայուն կապի պահպանումը,

բ. բնակչության, նյութական և մշակութային արժեքների տարածանման պլաններով նախատեսված միջոցառումների իրականացումը՝ ելնելով իրավիճակից,

գ. տարածանման հանձնաժողովների գործունեության համակարգումը,

դ. Հայաստանի Հանրապետության պաշտպանության նախարարության և Հայաստանի Հանրապետության կառավարության առընթեր Հայաստանի Հանրապետության

ուստիկանության հետ փոխազդողությունների կազմակերպումը բնակչության տարածանման միջոցառումների իրականացման ուղղությամբ,

Ե. բնակչության, նյութական և մշակութային արժեքների տարածանման ընթացքի վերաբերյալ տվյալների հավաքումը, ամփոփումը և Հայաստանի Հանրապետության վարչապետին ներկայացնելը:

#### **7. Հանձնաժողովի իրավասություններն են՝**

1) հանձնաժողովի նիստերում տարածանման միջոցառումների վերաբերյալ պետական կառավարման, տեղական ինքնակառավարման մարմինների և կազմակերպությունների ղեկավարներին լսելը, տարածանման հանձնաժողովների նախագահների խորհրդակցություններ անցկացնելը.

2) իր իրավասությունների շրջանակներում Հայաստանի Հանրապետության կառավարություն առաջարկություններ ներկայացնելը՝ բնակչության, նյութական և մշակութային արժեքների տարածանման որոշումներ ընդունելու համար.

3) բոլոր տարածանման հանձնաժողովների գործունեության նկատմամբ հսկողություն իրականացնելը՝ տարածանման միջոցառումների պլանավորման և նախապատրաստման ուղղությամբ:

### **III. ՀԱՆՁՆԱԺՈՂՈՎԻ ԱՇԽԱՏԱՆՔԻ ԿԱԶՄԱԿԵՐՊՈՒՄԸ**

8. Հանձնաժողովն իր աշխատանքները ուղարկան դրություն հայտարարելու և արտակարգ իրավիճակների ժամանակ կազմակերպում է նիստերի ձևով, որոնք գումարվում են, ինչպես հանձնաժողովի նախագահի, այնպես էլ հանձնաժողովի անդամների 1/3-ի նախաձեռնությամբ: Զայների հավասարության դեպքում հանձնաժողովի նախագահի ձայնը վճռորոշ է:

#### **9. Հանձնաժողովի նախագահը՝**

1) Ենթարկվում է Հայաստանի Հանրապետության վարչապետին և հանդիսանում է հանձնաժողովի անդամների և հանրապետության (մարզային և համայնքային) տարահանման հանձնաժողովների անմիջական ղեկավարը, նրա իրավասության սահմաններում ընդունված որոշումները (իրահանգները) ենթակա են կատարման հանձնաժողովի անդամների կողմից.

2) պատասխանատու է ռազմական դրության և արտակարգ իրավիճակների առաջացման դեպքում բնակչության, նյութական և մշակութային արժեքների տարահանման միջոցառումների պլանավորման և իրականացման համար.

3) սահմանում է հանձնաժողովի նախագահի տեղակալի և հանձնաժողովի անդամների պարտականությունները.

#### 4) Խաղաղ ժամանակ

ա. կազմակերպում և հսկողություն է իրականացնում բնակչության տարահանման պլանավորող փաստաթղթերի մշակման և ժամանակին ճշգրտման նկատմամբ,

բ. հսկողություն է իրականացնում տարահանված բնակչության տեղավորման և առաջնահերթ ապահովման պատրաստության նկատմամբ,

գ. ապահովում է տարահանման միջոցառումների պլանավորման փոխգործողությունների իրականացումը պետական կառավարման մարմինների հետ.

5) քաղաքացիական պաշտպանության համակարգը ռազմական դրության աշխատանքային ռեժիմի փոխադրման ժամանակ՝

ա. հսկողություն է իրականացնում տարահանման մարմինների պատրաստականության քերման միջոցառումների կատարման նկատմամբ,

բ. ենելով իրավիճակից իրավիրում է հանձնաժողովի նիստեր տարահանման միջոցառումների պլանավորման, իրականացման և ապահովման հարցերով.

#### 6) տարահանման վերաբերյալ որոշում ստանալու հետո՝

- ա. դեկավարում է տարահանման մարմինների գործունեությունը տարահանվող բնակչության ազդարարման, հավաքի և անվտանգ տարածքներ տեղափոխման ուղղությամբ,
- բ. հսկողություն է իրականացնում տարահանման ընթացքի, տվյալների հավաքման նվազմամբ,

10. Հանձնաժողովի նախագահի բացակայության դեպքում հանձնաժողովի նախագահի պարտականությունները կատարում է նախագահի տեղակալը:

11. Հանձնաժողովի քարտուղար՝

1) իր գործունեությունն իրականացնում է հանձնաժողովի նախագահի դեկավարությամբ,

2) խաղաղ ժամանակ՝

ա. մշակում է հանձնաժողովի տարեկան աշխատանքային պլանները և ներկայացնում հաստատման,

բ. իրականացնում է հանձնաժողովի անդամների հավաք,

գ. վարում է նիստերի արձանագրությունները,

դ. ճշտում է հանձնաժողովի անհատական կազմը՝ անհրաժեշտության դեպքում ներկայացնում առաջարկություններ անդամների փոփոխման վերաբերյալ,

ե. նիստերում ընդունված որոշումները հասցնում է կատարողներին և վերահսկում դրանց կատարումը,

3) քաղաքացիական պաշտպանության համակարգը ուղղման դրության աշխատանքային ռեժիմի փոխադրման ժամանակ՝

ա. իրականացնում է հանձնաժողովի անդամների ազդարարումը և հետևում է հավաքի ընթացքին,

բ. կազմակերպում է հերթապահություն,

գ. մշակում է զեկուցների, հաշվետվությունների, հաղորդագրությունների և այլ փաստաթղթերի նախագծեր.

- 4) տարահանման վերաբերյալ կարգադրություն ստանդարտություն՝
- ա. նախապատրաստում է ընակչության, նյութական և մշակութային արժեքների տարահանման վերաբերյալ համապատասխան փաստաթղթեր և անհրաժեշտության դեպքում տրամադրում հանձնաժողովի անդամներին,
- բ. կազմակերպում է տարահանման միջոցառումների ընթացքի վերաբերյալ գեկույցների և տեղեկատվության հավաքագրում և հաշվառում,
- գ. ըստիանրացնում է ստացված տեղեկատվությունը, նախապատրաստում է հանձնաժողովի գեկույցները:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ԴԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

